

2631

C O D I C E S

2632

stantis, quod Sec. XIV. condidit *Johannes Gorinus* seu *de Goro* dictus a loco natali *de S. Geminiano* in *Tuscia* O. P. quamvis in *Prologo* totius Operis dicatur Autor *Helvicus Teutonicus* ejusd. Ord. quo sub nomine vel *Johannem* latere voluisse dici potest, vel *Helvicum* illum egregium Plagiarium fuisse, nisi mitissime illum Operis hujus Promulgatorem in *Germania* habere velis. Interim utroque nomine typis illud proditum est, et quidem *Helvico* tributum *f. l.* et *a. f.* *Johanni* vero *Venetis* 1497. et 1499. item *Basileae* 1499. *f.* Libris nostris *Tribus* praemittuntur *Capitum Elenchi* et *Tertio* excepto *Prologi*, et *Tertius* quidem *Similitudines a Vegetabilibus et Plantis*, *Quartus a Natatilibus et Volatilibus*, *Quintus* demum ab *Animalibus terrestribus* repetit. Multa fane in his fabulosa obtrudi, non est, quod moneam. *Libri III. C. 1.* initium est: *Abdicatio temporalium assimilatur putationi arborum &c.* De Autore tradunt *Bibliothecarii O. P. T. I. p. 528.*

DCLXXXVIII.

693 Codex membraneus lat. Sec. XIII. aut XIV. Folior. 194. 4. per duas columnas exaratus, rubricisque distinctus, et olim *Conuentus fratrum sancte Crucis in Colonia* complectitur *Sermones* sacros breves, et primum quidem, ut dici solet, *de Tempore*. Sermo primus *Dominica prima Auentus domini* in illud: *Emitte*

manum tuam de alto &c. incipit: *Eccè Karissimi. Sicut naufragi in medio fluctuum periculosissimorum et captiui in medio hostium seuissimorum desiderant liberationem &c.* Pertingunt hi *Sermones* usque ad *fol. 87.* cujus *p. 2.* incipit interjectus *Sermo In Synodo de dignitate sacerdotali*, hoc tenore: *Uos estis genus electum regale sacerdotium &c. Beatus petrus princeps apostolorum et prelatorum uicarijs suis ipsum imitantibus scripsit premissa verba &c.* Sequuntur *Notanda de Electione multiplici*, *Sermo de querendo Domino* et *Sermo ad clerum siue in Auentu*. Post haec *fol. 94. p. 2.* Incipit proprium *sanctorum*, et quidem *de beato andrea*, cujus *Sermonis* initium est: *Extendam palmas meas ad dominum. Exod. 9. Hoc uerbum Moysi poterit dicere beatus Andreas &c.* Adfunt etiam *Sermones in translatione Francisci*, et in *Festo Anthonij confessoris de ordine minorum*, quem *Gregorius IX. 1232.* inter *Divos* retulit. Item *de SS. Mauritio et Ursula &c. Fol. 159.* succedit *Commune Sanctorum*, et *fol. 169.* praemisso *Elencho Collectio Exemplorum* potissimum *e Vitis Patrum*. Finem faciunt a *fol. 191.* *Fragmenta IV. Sermo-num*, quorum primus *de triplici Pluuia* inscribitur.

DCLXXXIX.

Codex membraneus lat. Sec. 748 XIV. Folior. 290. 8. per duas columnas non una manu exaratus, et quondam ad *Wenc. Rossam* Sa-

2633

H O M I L E T I C I

2634

Sacerdotem *Bobemum* saepe memoratum pertinens, ut multa vestigia etiam lingua gentis in eo derelicta indicant, *Sermones sacros* complectitur, et I. quidem sic dictos *de Tempore*, initio capto a *Dom. prima Adventus*, in quam *Sermo primus* incipit: *Emitte manum tuam de alto &c.* Sunt vero *Sermones* numero 155. passimque plures in eandem diem.

II. fol. 197. sequuntur *Sermones de Festis Sanctorum*, tam proprii, quam communes. Primi in Festum D. *Andreae* initium est: *Extendam palmas meas ad dominum &c.* Inter hos et praecedentes *Sermones*, uti et ad calcem *Codicis* adscripti sunt recentiore calamo alii quidam varii argumenti *Sermones*, quibus immorari operae pretium non est.

DCXC.

¹³⁰ Codex chartaceus lat. Sec. XV. Folior. 379. f. a diversis, et partim per duas columnas, currente calamo scriptus plura complectitur *Opuscula theologici Argumenti*, quae se excipiunt, ut sequitur. I. *Jac. de Voragine* ex Ord. Praed. ad Archiepiscopatum *Januensem* promoti, Sec. XIII. Scriptoris, ✠ 1298. *Sermones Dominicales per annum selecti*, ita, ut ex tribus in singulas Dominicas unum tantum hic repraesentaverit *Librarius*, hisque subjunxerit *Sermones de B. V. M. in singula Quadragesimae Sabbata*. Editi sunt jam Sec. XV. pluries hi *Sermones*, ut videre est in *Quetisi Scriptt. O. Denis Codd. Theol. V. I. P. III.*

Praed. T. I. p. 456. qui vero de *B. V.* tractant, distinguendi a *Mariali Jacobi*, quo *Mariae Laudes* ordine *alphabetico* exequitur.

II. fol. 52. *De Missa brevis significatio*. Exponuntur Ritus *Missae* ab *anonymo* Autore ad modum *Hugonis Card. Bern. de Parentinis &c.* hoc initio: *Ut cum majori devotione sacro sancta solennia missarum audiatis et reuerentius misse interstitis &c.*

III. fol. 55. Thema *Sermonis in Sabbato ante Judica* in illud: *Ego sum lux mundi Job. 8.* *Sermo de B. V.* in idem. *Sermo in Coena Domini* in illud: *Unum opus feci Job. 7.* Incertis autoribus, exiguique momenti.

IV. fol. 58. *Themata sacrarum Dictionum* per annum sic inscripta: *Ignoratis principijs necesse ignorantur Principata, ideo sequuntur initia ut sermones sequantur.* Themata ejusmodi reliquisse *Jacobum Januensem* ex *Catal. Codd. Miss. Angliae* prodit *Quetifus l. cit.* An haec nostra sint, ignoramus. *Albertum M.* in iis citari saepius observes.

V. fol. 63. *Udalrici Abbatis Campililiensis O. Cist. in Austria inferiore Concordantia Caritatis*, five *Materia Dictionum sacrarum* per totum annum. Audi praefantem: *Noticia huius libri, qui Concordantia Caritatis appellatur, talis est. In supremo circulo primi folii semper ponitur evangelium depictum, et iuxta illud quatuor autoritates de prophetis cum ipso evangelio concordantes. Sub quo due hystorie veter. testamenti ponuntur.*

I

nun-